


# রৈখিক জালক বর্তনী

Linear Network



## At A Glance

Impedance of  $L$ ,  $C$ ,  $R$  and their combinations. Thevenin & Norton's Theorem. Maximum power transfer theorem and superposition theorem. Anderson's bridge,

### 5.1 স্থির ভোল্টেজ উৎস (Constant Voltage Source)

► সংজ্ঞা : এটি এমন একটি ভোল্টেজ উৎস যার ক্ষেত্রে লোড প্রবাহের পরিবর্তন সত্ত্বেও আউটপুট ভোল্টেজ পুরোপুরি স্থির থাকে। অর্থাৎ, এই ধরনের উৎস থেকে একটি নির্দিষ্ট ভোল্টেজ পাওয়া যায়।

#### আলোচনা :

- এরকম ভোল্টেজ উৎসের অভ্যন্তরীণ রোধ বা প্রতিরোধ শূন্য হয়, ফলে উৎসের অভ্যন্তরীণ বিভব পতন শূন্য হয়।
- উৎসের প্রাপ্তীয় ভোল্টেজ সব সময় স্থির থাকে এবং এই ভোল্টেজ বর্তনীর লোড রোধের ওপর নির্ভর করে না।
- এরকম আদর্শ ভোল্টেজ উৎস বাস্তবে সম্ভব নয়।
- উৎসের অভ্যন্তরীণ রোধ বা প্রতিরোধের মান যত কম হবে, সেটি তত আদর্শ ভোল্টেজ উৎসের ন্যায় আচরণ করবে।
- আদর্শ ডি. সি. ভোল্টেজ উৎসের অভ্যন্তরীণ রোধ শূন্য এবং আদর্শ এ.সি. ভোল্টেজ উৎসের অভ্যন্তরীণ প্রতিরোধ (impedance) শূন্য।

### 5.2 স্থির প্রবাহ উৎস (Constant Current Source)

► সংজ্ঞা : এটি এমন একটি প্রবাহ উৎস যার থেকে সর্বদা স্থির মানের তড়িৎ প্রবাহ পাওয়া যায়।

#### আলোচনা :

- বর্তনীর লোড রোধের ওপর তড়িৎ প্রবাহের মান নির্ভর করে না।
- আদর্শ ডি. সি. প্রবাহ উৎসের অভ্যন্তরীণ রোধ অসীম এবং আদর্শ এ.সি. প্রবাহ উৎসের অভ্যন্তরীণ প্রতিরোধ অসীম।
- বাস্তবে এরকম উৎসের রোধ লোড রোধ অপেক্ষা অনেক বেশি হয়।

### 5.3 পরিবর্তী প্রবাহ বর্তনী (Alternating Current Circuit)

পরিবর্তী প্রবাহ (a. c.) বর্তনীতে একটি পরিবর্তী তড়িৎচালক বলের উৎসকে এক বা একাধিক প্রতিরোধী উপাদান, যেমন—রোধক, ধারক ও আবেশকের সঙ্গে যোগ করা হয়।



পরবর্তী অনুচ্ছেদে বিভিন্ন প্রকার a. c. বর্তনী সম্বন্ধে আলোচনা করা হয়েছে।

### ■ (a) বিশুদ্ধ রোধকযুক্ত বর্তনী (Pure Resistive Circuit) :

ধরি, একটি বিশুদ্ধ রোধক (R) এর সঙ্গে শ্রেণি সমবায়ে একটি পরিবর্তী তড়িৎচালক বল  $V = V_0 \sin \omega t$  যুক্ত করা হল [চিত্র 5.1]। ওহমের সূত্রানুযায়ী, বর্তনীর তাৎক্ষণিক তড়িৎ প্রবাহমাত্রা

$$i = \frac{V}{R} = \frac{V_0}{R} \sin \omega t = I_0 \sin \omega t$$

$$\text{যেখানে, } I_0 = \frac{V_0}{R} = \text{প্রবাহমাত্রার শীর্ষমান}$$

- দশা (Phase) : এক্ষেত্রে পরিবর্তী তড়িৎচালক বল,  $V = V_0 \sin \omega t$  এবং পরিবর্তী তড়িৎ প্রবাহমাত্রা  $i = I_0 \sin \omega t$  সুতরাং, প্রবাহ ও তড়িৎচালক বল সমদশায় থাকে।
- প্রতিরোধ (Impedance) : বর্তনীর প্রতিরোধ (Z) হল বর্তনীর রোধের সমান।  
 $\therefore Z = R$

### ■ (b) বিশুদ্ধ আবেশকযুক্ত বর্তনী (Pure Inductive Circuit) :

ধরি, একটি বিশুদ্ধ আবেশক (L) এর সঙ্গে শ্রেণি সমবায়ে একটি পরিবর্তী তড়িৎচালক বল  $V = V_0 \sin \omega t$  যুক্ত করা হল [চিত্র 5.2]। বর্তনীর তাৎক্ষণিক প্রবাহমাত্রা  $i$  হলে,

$$V = V_0 \sin \omega t = L \frac{di}{dt} \text{ বা, } di = \frac{V_0}{L} \sin \omega t dt$$

সমাকলন করে পাই,

$$i = \frac{V_0}{L} \int \sin \omega t dt = \frac{-V_0}{\omega L} \cos \omega t + C = -I_0 \cos \omega t = I_0 \sin \left( \omega t - \frac{\pi}{2} \right)$$

$$\text{যেখানে, } I_0 = \frac{V_0}{\omega L} = \text{প্রবাহমাত্রার শীর্ষমান}$$

- দশা (Phase) :  $V = V_0 \sin \omega t$  এবং  $i = I_0 \sin \left( \omega t - \frac{\pi}{2} \right)$  সুতরাং, তড়িৎ প্রবাহমাত্রা প্রযুক্ত তড়িৎচালক বল অপেক্ষা  $\frac{\pi}{2}$  দশা কোণে পিছিয়ে থাকে।
- প্রতিরোধ (Impedance) : রোধকযুক্ত বর্তনীতে রোধ R এর ভূমিকা যা, আবেশক যুক্ত বর্তনীতে  $\omega L$  রাশিটির ভূমিকাও ঠিক তাই।  $\omega L$  রাশিটির একক ওহম (ohm)।  
 $\omega L$  রাশিটিকে বলে আবেশী প্রতিঘাত (inductive reactance)।  
 $\therefore$  আবেশী প্রতিঘাত  $X_L = \omega L$   
সুতরাং বর্তনীর প্রতিরোধ  $Z = X_L = \omega L$


### ■ (c) বিশুদ্ধ ধারকযুক্ত বর্তনী (Pure Capacitive Circuit) :

ধরি, একটি বিশুদ্ধ ধারক (C) এর সঙ্গে শ্রেণি সমবায়ে একটি পরিবর্তী তড়িৎচালক বল  $V = V_0 \sin \omega t$  যুক্ত করা হল [চিত্র 5.3]। ধারকে তাৎক্ষণিক আধান  $q = CV = CV_0 \sin \omega t$


$\therefore$  বর্তনীতে তাৎক্ষণিক প্রবাহমাত্রা

$$i = \frac{dq}{dt} = \omega CV_0 \cos \omega t = \frac{V_0}{\frac{1}{\omega C}} \sin \left( \omega t + \frac{\pi}{2} \right) = I_0 \sin \left( \omega t + \frac{\pi}{2} \right)$$


$$\text{যেখানে, } I_0 = \frac{V_0}{\frac{1}{\omega C}} = \text{প্রবাহমাত্রার শীর্ষমান।}$$



চিত্র-5.1 বিশুদ্ধ রোধকযুক্ত বর্তনী



চিত্র-5.2 বিশুদ্ধ আবেশকযুক্ত বর্তনী



চিত্র-5.3 বিশুদ্ধ ধারকযুক্ত বর্তনী

- দশা (Phase) :  $V = V_0 \sin \omega t$  এবং  $i = I_0 \sin \left( \omega t + \frac{\pi}{2} \right)$

সূত্রাং প্রবাহমাত্রা প্রযুক্ত তড়িৎচালক বল অপেক্ষা  $\frac{\pi}{2}$  দশা কোণে এগিয়ে থাকে।

- প্রতিরোধ (Impedance) : রোধকযুক্ত বর্তনীতে রোধ  $R$ -এর ভূমিকা যা, ধারকযুক্ত বর্তনীতে  $\frac{1}{\omega C}$  রাশিটির ভূমিকাও ঠিক তাই।  $\frac{1}{\omega C}$  রাশিটির একক ওহম (ohm)।  $\frac{1}{\omega C}$  রাশিটিকে বলে ধারকীয় প্রতিঘাত (Capacitive reactance)।  
 $\therefore$  ধারকীয় প্রতিঘাত  $X_C = \frac{1}{\omega C}$

সূত্রাং, বর্তনীর প্রতিরোধ  $Z = X_C = \frac{1}{\omega C}$

#### ■ (d) L-R শ্রেণি বর্তনী (L-R Series Circuit) :

চিত্র-5.4-এ এই বর্তনী দেখানো হয়েছে। বর্তনীতে প্রযুক্ত পরিবর্তী তড়িৎচালক বল  $V = V_0 \sin \omega t$ ।

ধরি, বর্তনীর তাৎক্ষণিক প্রবাহমাত্রা  $i$ । ওহমের সূত্রানুযায়ী বর্তনীর তাৎক্ষণিক তড়িৎচালক বলের সমীকরণ

$$L \frac{di}{dt} + Ri = V = V_0 \sin \omega t \quad \dots (1)$$

মনে করি, (1) নং সমীকরণের সাধারণ সমাধান

$$i = A \sin \omega t + B \cos \omega t ; \text{যেখানে, } A \text{ ও } B \text{ হল ধ্রুবক।} \quad \dots (2)$$

$$\therefore \frac{di}{dt} = A\omega \cos \omega t - B\omega \sin \omega t$$

$i$  ও  $\frac{di}{dt}$ -র মান (1) নং সমীকরণে বসিয়ে পাই,

$$A\omega L \cos \omega t - B\omega L \sin \omega t + AR \sin \omega t + BR \cos \omega t = V_0 \sin \omega t$$

$$\text{বা, } (A\omega L + BR) \cos \omega t + (AR - B\omega L - V_0) \sin \omega t = 0$$

$t$ -র যে-কোনো মানের জন্য ওপরের সমীকরণটি সিদ্ধ হবে যদি  $\cos \omega t$  ও  $\sin \omega t$ -র সহগ শূন্য হয়।

$$\therefore A\omega L + BR = 0$$

$$\text{এবং } AR - B\omega L = V_0$$

সমাধান করে পাই,

$$A = \frac{RV_0}{R^2 + \omega^2 L^2} \text{ এবং } B = -\frac{\omega LV_0}{R^2 + \omega^2 L^2}$$


$A$  ও  $B$ -এর মান (1) নং সমীকরণে বসিয়ে পাই,

$$i = \frac{V_0}{R^2 + \omega^2 L^2} (R \sin \omega t - \omega L \cos \omega t)$$

$$= \frac{V_0}{\sqrt{R^2 + \omega^2 L^2}} \left( \frac{R}{\sqrt{R^2 + \omega^2 L^2}} \sin \omega t - \frac{\omega L}{\sqrt{R^2 + \omega^2 L^2}} \cos \omega t \right)$$

$$\text{ধরি, } \cos \phi = \frac{R}{\sqrt{R^2 + \omega^2 L^2}} \text{ এবং } \sin \phi = \frac{\omega L}{\sqrt{R^2 + \omega^2 L^2}}$$

$$\therefore \tan \phi = \frac{\omega L}{R}$$




চিত্র-5.4 L-R শ্রেণি বর্তনী



$$\begin{aligned}\text{সুতরাং, } i &= \frac{V_0}{\sqrt{R^2 + \omega^2 L^2}} (\sin \omega t \cos \phi - \cos \omega t \sin \phi) \\ &= \frac{V_0}{\sqrt{R^2 + \omega^2 L^2}} \sin(\omega t - \phi) \\ &= I_0 \sin(\omega t - \phi)\end{aligned}$$

$$\text{যেখানে, } I_0 = \frac{V_0}{\sqrt{R^2 + \omega^2 L^2}} = \text{প্রবাহমাত্রার শীর্ষমান}$$

- **দশা (Phase) :**  $V = V_0 \sin \omega t$  এবং  $i = I_0 \sin(\omega t - \phi)$ । সুতরাং, প্রবাহমাত্রা  $i$  প্রযুক্ত তড়িৎচালক বল  $V$  অপেক্ষা  $\phi$  দশা কোণে পিছিয়ে থাকে, যেখানে  $\tan \phi = \frac{\omega L}{R}$ । এই দশা সম্পর্ককে চিত্র-5.5-এ দেখানো হয়েছে।



চিত্র-5.5

- **প্রতিরোধ (Impedance) :** বর্তনীর কার্যকরী রোধ বা প্রতিরোধ  $Z = \sqrt{R^2 + \omega^2 L^2} = \sqrt{R^2 + X_L^2}$ ।  $Z$ -এর একক হল ওহম (ohm)। পরিবর্তী LR বর্তনীতে প্রবাহিত তড়িৎের বিরুদ্ধে সৃষ্ট বাধাই হল বর্তনীর প্রতিরোধ  $Z$ ।  $R$ ,  $\omega L$  এবং  $Z$ -এর সম্পর্ককে একটি সমকোণী ত্রিভুজের দ্বারা প্রকাশ করা হয়। এই ত্রিভুজটিকে প্রতিরোধ ত্রিভুজ (impedance triangle) বলে।

#### ■ (e) C-R শ্রেণি বর্তনী (C-R Series Circuit) :

চিত্র-5.6-এ এই বর্তনী দেখানো হয়েছে। বর্তনীতে প্রযুক্ত পরিবর্তী তড়িৎচালক বল  $V = V_0 \sin \omega t$  মনে করি, ধারকের তাৎক্ষণিক আধান  $q$  এবং বর্তনীর তাৎক্ষণিক প্রবাহমাত্রা  $i$ । ওহমের সূত্রানুযায়ী বর্তনীর তাৎক্ষণিক তড়িৎচালক বলের সমীকরণ

$$Ri + \frac{q}{C} = V = V_0 \sin \omega t \quad \dots (3)$$

(3) নং সমীকরণকে  $t$ -র সাপেক্ষে অবকলন করে পাই

$$R \frac{di}{dt} + \frac{1}{C} \cdot \frac{dq}{dt} = V_0 \omega \cos \omega t$$

$$\text{বা, } R \frac{di}{dt} + \frac{1}{C} \cdot i = V_0 \omega \cos \omega t \quad \dots (4)$$

ধরি, (4) নং সমীকরণের সমাধান হল,  $i = I_0 \sin(\omega t + \alpha)$


$$\therefore \frac{di}{dt} = \omega I_0 \cos(\omega t + \alpha)$$

$i$  ও  $\frac{di}{dt}$ -র মান (4) নং সমীকরণে বসিয়ে পাই

$$I_0 \omega R \cos(\omega t + \alpha) + \frac{I_0}{C} \sin(\omega t + \alpha) = V_0 \omega \cos \omega t$$

$$\text{বা, } I_0 \omega \left[ R \cos(\omega t + \alpha) + \frac{1}{\omega C} \sin(\omega t + \alpha) \right] = V_0 \omega \cos \omega t$$

$$\text{বা, } I_0 \omega Z \left[ \frac{R}{Z} \cos(\omega t + \alpha) + \frac{1}{\omega C Z} \sin(\omega t + \alpha) \right] = V_0 \omega \cos \omega t \quad \left[ \text{যেখানে } Z = \sqrt{R^2 + \left( \frac{1}{\omega C} \right)^2} \right]$$



চিত্র-5.6 C-R শ্রেণি বর্তনী

$$\text{বা, } I_0 \omega Z [\cos(\omega t + \alpha) \cos \phi + \sin(\omega t + \alpha) \sin \phi] = V_0 \omega \cos \omega t$$

$$\left[ \text{যেখানে, } \cos \phi = \frac{R}{Z} \text{ এবং } \sin \phi = \frac{1}{\omega C Z} \right]$$

$$\text{বা, } I_0 \omega Z \cos(\omega t + \alpha - \phi) = V_0 \omega \cos \omega t$$

উভয়পক্ষের তুলনা করে লেখা যায়,

$$\omega t + \alpha - \phi = \omega t \quad \text{বা, } \alpha = \phi$$

$$\text{এবং } I_0 \omega Z = V_0 \omega \quad \text{বা, } I_0 = \frac{V_0}{Z} = \text{প্রবাহমাত্রার শীর্ষমান}$$


সুতরাং, বর্তনীর প্রবাহমাত্রা

$$i = I_0 \sin(\omega t + \alpha) \quad \text{বা, } i = I_0 \sin(\omega t + \phi)$$

● **দশা (Phase) :**  $V = V_0 \sin \omega t$ , এবং  $i = I_0 \sin(\omega t + \phi)$

সুতরাং প্রবাহমাত্রা  $i$  প্রযুক্ত তড়িৎচালক বল  $V$  অপেক্ষা  $\phi$  দশা কোণে এগিয়ে থাকে,

যেখানে  $\tan \phi = \frac{1}{\omega CR}$ । এই দশা সম্পর্ককে চিত্র-5.7-এ দেখানো হয়েছে।



চিত্র-5.7

● **প্রতিরোধ (Impedance) :** বর্তনীর কার্যকরী রোধ বা প্রতিরোধ  $Z = \sqrt{R^2 + \frac{1}{\omega^2 C^2}} = \sqrt{R^2 + X_C^2}$

$Z$ -র একক হল ওহম (ohm)।

পরিবর্তী  $CR$  বর্তনীতে প্রবাহিত তড়িৎের বিরুদ্ধে সৃষ্ট বাধাই হল বর্তনীর প্রতিরোধ  $Z$ ।

$R$ ,  $\frac{1}{\omega C}$  এবং  $Z$ -র সম্পর্ককে একটি সমকোণী ত্রিভুজের দ্বারা প্রকাশ করা হয়। এই ত্রিভুজটিকে প্রতিরোধ ত্রিভুজ (impedance triangle) বলে।

#### ■ (f) $L-C-R$ শ্রেণি বর্তনী ( $L-C-R$ Series Circuit) :

চিত্র-5.8-এ এই বর্তনী দেখানো হয়েছে। বর্তনীতে প্রযুক্ত পরিবর্তী তড়িৎচালক বল  $V = V_0 \sin \omega t$

মনে করি, ধারকের তাৎক্ষণিক আধান  $q$  এবং বর্তনীর তাৎক্ষণিক প্রবাহমাত্রা  $i$ ।

ওহমের সূত্রানুযায়ী বর্তনীর তাৎক্ষণিক তড়িৎচালক বলের সমীকরণ

$$L \frac{di}{dt} + Ri + \frac{q}{C} = V = V_0 \sin \omega t \quad \dots (5)$$

(5) নং সমীকরণকে  $t$ -র সাপেক্ষে অবকলন করে পাই

$$L \frac{d^2 i}{dt^2} + R \frac{di}{dt} + \frac{1}{C} \frac{dq}{dt} = V_0 \omega \cos \omega t$$

$$\text{বা, } L \frac{d^2 i}{dt^2} + R \frac{di}{dt} + \frac{1}{C} i = V_0 \omega \cos \omega t \quad \dots (6)$$


ধরি, (6) নং সমীকরণের সমাধান,  $i = I_0 \sin(\omega t + \alpha)$

$$\therefore \frac{di}{dt} = I_0 \omega \cos(\omega t + \alpha)$$

$$\text{এবং } \frac{d^2 i}{dt^2} = -I_0 \omega^2 \sin(\omega t + \alpha)$$

$i$ ,  $\frac{di}{dt}$  এবং  $\frac{d^2 i}{dt^2}$  -এর মান (6) নং সমীকরণে বসিয়ে পাই

$$-I_0 \omega^2 L \sin(\omega t + \alpha) + I_0 \omega R \cos(\omega t + \alpha) + \frac{I_0}{C} \sin(\omega t + \alpha) = V_0 \omega \cos \omega t$$



$$V = V_0 \sin \omega t$$

চিত্র-5.8  $L-C-R$  শ্রেণি বর্তনী



$$\text{বা, } \omega I_0 \left[ -\omega L \sin(\omega t + \alpha) + R \cos(\omega t + \alpha) + \frac{1}{\omega C} \sin(\omega t + \alpha) \right] = V_0 \omega \cos \omega t$$

$$\text{বা, } \omega I_0 \left[ R \cos(\omega t + \alpha) - \left( \omega L - \frac{1}{\omega C} \right) \sin(\omega t + \alpha) \right] = V_0 \omega \cos \omega t$$

$$\text{বা, } \omega I_0 Z \left[ \frac{R}{Z} \cos(\omega t + \alpha) - \frac{\left( \omega L - \frac{1}{\omega C} \right)}{Z} \sin(\omega t + \alpha) \right] = V_0 \omega \cos \omega t \quad \left[ \text{যেখানে, } Z = \sqrt{R^2 + \left( \omega L - \frac{1}{\omega C} \right)^2} \right]$$

$$\text{বা, } \omega I_0 Z [\cos(\omega t + \alpha) \cos \phi - \sin(\omega t + \alpha) \sin \phi] = V_0 \omega \cos \omega t$$

$$\left[ \text{যেখানে, } \cos \phi = \frac{R}{Z} \text{ এবং } \sin \phi = \frac{\omega L - \frac{1}{\omega C}}{Z} \right]$$

$$\text{বা, } \omega I_0 Z \cos(\omega t + \alpha + \phi) = V_0 \omega \cos \omega t$$

উভয়পক্ষের তুলনা করে লেখা যায়,

$$\omega t + \alpha + \phi = \omega t$$

$$\text{বা, } \alpha = -\phi$$

$$\text{এবং } \omega I_0 Z = V_0 \omega$$

$$\text{বা, } I_0 = \frac{V_0}{Z} = \text{প্রবাহমাত্রার শীর্ষমান।}$$

$$\text{সুতরাং বর্তনীর প্রবাহমাত্রা, } i = I_0 \sin(\omega t + \alpha) \text{ বা, } i = I_0 \sin(\omega t - \phi)$$

- **দশা (phase) :**  $V = V_0 \sin \omega t$  এবং  $i = I_0 \sin(\omega t - \phi)$ । সুতরাং প্রবাহমাত্রা  $i$  এবং প্রযুক্ত তড়িৎচালক বল  $V$ -এর মধ্যে দশা পার্থক্য  $\phi$ ,

$$\text{যেখানে } \tan \phi = \frac{\omega L - \frac{1}{\omega C}}{R}$$

এই দশা সম্পর্ককে চিত্র-5.8(a)-এ দেখানো হয়েছে।

- (i) যখন  $\omega L > \frac{1}{\omega C}$ ,  $\phi$  ধনাত্মক হয় এবং প্রবাহমাত্রা  $i$  প্রযুক্ত তড়িৎচালক বল  $V$  অপেক্ষা  $\phi$  দশা কোণে পিছিয়ে থাকে।

- (ii) যখন  $\omega L < \frac{1}{\omega C}$ ,  $\phi$  ঋণাত্মক হয় এবং প্রবাহমাত্রা প্রযুক্ত তড়িৎচালক বল অপেক্ষা  $\phi$  দশা কোণে এগিয়ে থাকে।

- (iii) যখন  $\omega L = \frac{1}{\omega C}$ ,  $\phi$  শূন্য হয় এবং প্রবাহমাত্রা ও প্রযুক্ত তড়িৎচালক বল সমদশায় থাকে। এই ঘটনাকে শ্রেণি অনুনাদ (Series Resonance) বলে।


- **প্রতিরোধ (Impedance) :** শুধুমাত্র রোধকযুক্ত বর্তনীতে  $R$ -এর ভূমিকা যা, আলোচ্য বর্তনীতে  $Z$  রাশিটির ভূমিকাও ঠিক তাই। এই  $Z$ -ই হল বর্তনীর প্রতিরোধ।

বর্তনীর কার্যকরী রোধ বা প্রতিরোধ

$$Z = \sqrt{R^2 + \left( \omega L - \frac{1}{\omega C} \right)^2} = \sqrt{R^2 + (X_L - X_C)^2} \\ = \sqrt{R^2 + X^2}$$

$$\text{যেখানে, } X = X_L - X_C = \omega L - \frac{1}{\omega C} = \text{বর্তনীর প্রতিঘাত (reactance)}$$

$Z$  এবং  $X$  উভয়েরই একক হল ওহম (ohm)। পরিবর্তী LCR বর্তনীতে প্রবাহিত তড়িৎের বিরুদ্ধে সৃষ্ট বাধাই হল বর্তনীর প্রতিরোধ  $Z$ ।



চিত্র-5.8(a)



$$R \left( \omega L - \frac{1}{\omega C} \right) \text{ এবং } Z\text{-এর সম্পর্কে একটি সমকোণী ত্রিভুজের দ্বারা প্রকাশ করা হয়। এই ত্রিভুজটিকে প্রতিরোধ ত্রিভুজ বলে।}$$

• **অনুনাদ (Resonance) :** শ্রেণি অনুনাদের ক্ষেত্রে  $\omega L = \frac{1}{\omega C}$ ।

এক্ষেত্রে

- (i)  $Z = R$ । বর্তনীর প্রতিরোধ সর্বনিম্ন হয়, যা বর্তনীর ওহমীয় রোধের সমান।
- (ii) এই অবস্থায় বর্তনীর প্রবাহমাত্রা সর্বোচ্চ হয়।
- (iii) ধরি  $\omega = \omega_0$  কম্পাঙ্কে অনুনাদ হয়। অনুনাদের শর্তানুযায়ী,

$$\omega_0 L = \frac{1}{\omega_0 C}$$

$$\therefore \boxed{\omega_0 = \frac{1}{\sqrt{LC}}}$$

... (7)

$\omega_0$ -কে বলে শ্রেণি অনুনাদী কম্পাঙ্ক (Series resonant frequency)।

বর্তনী	ভোল্টেজ ও প্রবাহমাত্রা	ভোল্টেজ ও প্রবাহের দশা সম্পর্ক	প্রতিরোধ (Z)
বিশুদ্ধ R	$V = V_0 \sin \omega t$ $i = I_0 \sin \omega t$	V ও I সমদশায় থাকে	R
বিশুদ্ধ L	$V = V_0 \sin \omega t$ $i = I_0 \sin(\omega t - 90^\circ)$	V-র সাপেক্ষে I, $90^\circ$ দশা কোণে পিছিয়ে থাকে	$X_L = \omega L$
বিশুদ্ধ C	$V = V_0 \sin \omega t$ $i = I_0 \sin(\omega t + 90^\circ)$	V-র সাপেক্ষে I, $90^\circ$ দশা কোণে এগিয়ে থাকে	$X_C = \frac{1}{\omega C}$
শ্রেণি LR	$V = V_0 \sin \omega t$ $i = I_0 \sin(\omega t - \phi)$	V-র সাপেক্ষে I, $\phi$ দশা কোণে পিছিয়ে থাকে $\tan \phi = \frac{\omega L}{R}$	$\sqrt{R^2 + (\omega L)^2}$
শ্রেণি CR	$V = V_0 \sin \omega t$ $i = I_0 \sin(\omega t + \phi)$	V-র সাপেক্ষে I, $\phi$ দশা কোণে এগিয়ে থাকে $\tan \phi = \frac{1}{\omega C R}$	$\sqrt{R^2 + \left(\frac{1}{\omega C}\right)^2}$
শ্রেণি LCR	$V = V_0 \sin \omega t$ $i = I_0 \sin(\omega t - \phi)$	$\tan \phi = \frac{\omega L - \frac{1}{\omega C}}{R}$ V-র সাপেক্ষে I (i) $\omega L > \frac{1}{\omega C}$ হলে $\phi$ দশা কোণে পিছিয়ে থাকে (ii) $\omega L < \frac{1}{\omega C}$ হলে $\phi$ দশা কোণে এগিয়ে থাকে (iii) $\omega L = \frac{1}{\omega C}$ হলে পরস্পর সমদশায় থাকে	$\sqrt{R^2 + \left(\omega L - \frac{1}{\omega C}\right)^2}$



## 5.4

## নেটওয়ার্ক উপপাদ্যসমূহ (Network Theorems)

এই অনুচ্ছেদে জটিল জালকের ন্যায় গঠিত নেটওয়ার্ক বর্তনী বিশ্লেষণের জন্য কয়েকটি প্রচলিত নেটওয়ার্ক উপপাদ্য সম্বন্ধে আলোচনা করা হল।

### ▶ থেভেনিন উপপাদ্য (Thevenin's Theorem) :

- **বিবৃতি (Statement) :** বহুসংখ্যক শক্তি উৎস (energy sources) ও প্রতিরোধ বিশিষ্ট (impedances) কোনো বৈধ নেটওয়ার্ক বর্তনীর দুটি বিন্দুর মধ্যে যুক্ত একটি নির্দিষ্ট ভার প্রতিরোধের মধ্য দিয়ে যে প্রবাহ যায় তা একটি মূল্য বর্তনী ভোল্টেজ  $V_g$  ও অভ্যন্তরীণ প্রতিরোধ  $Z_g$  বিশিষ্ট একটি ভোল্টেজ উৎস দ্বারা সরবরাহিত প্রবাহের সমান, যেখানে  $V_g$  = বর্তনী থেকে ভার খোলা অবস্থায় ভারের সংযোগ বিন্দু দুটির মধ্যে মূল্য বর্তনী ভোল্টেজ (open-circuit voltage) এবং  $Z_g$  = ভারের প্রান্তদ্বয়ের সাপেক্ষে বর্তনীর সমতুল্য প্রতিরোধ যখন সব শক্তি উৎসকে তাদের অভ্যন্তরীণ প্রতিরোধ দ্বারা প্রতিস্থাপিত করা হয়।

- **ব্যাখ্যা (Explanation) :** মনে করি 5.9নং চিত্রে প্রদর্শিত একটি নেটওয়ার্কের  $Z_L$  ভার প্রতিরোধের মধ্যে দিয়ে প্রবাহমাত্রা নির্ণয় করতে হবে। এখানে  $V_B$  = উৎসের ভোল্টেজ,  $Z_i$  = উৎসের অভ্যন্তরীণ প্রতিরোধ।

প্রথমে থেভেনিন উপপাদ্যের প্রয়োগে এই নেটওয়ার্কের প্রতিস্থাপনযোগ্য সরল বর্তনী গঠন করতে হবে।

- (i) প্রথমে A ও B বিন্দুর মধ্যে যুক্ত ভার প্রতিরোধ  $Z_L$  খুলে দিতে হবে এবং A ও B বিন্দুর মধ্যে মূল্য বর্তনী ভোল্টেজ  $V_g$  নির্ণয় করতে হবে। এর কালে বর্তনীটি চিত্র-5.10-এর মতো হবে।  $Z_L$ -এর মধ্য দিয়ে প্রবাহমাত্রা শূন্য। বর্তনীর প্রবাহমাত্রা

$$I = \frac{V_B}{Z_i + Z_1 + Z_3}$$

$$\therefore V_g = I Z_3 = \frac{V_B Z_3}{Z_i + Z_1 + Z_3} \quad \dots (8)$$


$V_g$  হল প্রতিস্থাপনযোগ্য সরল বর্তনীর ভোল্টেজ। একে থেভেনিন ভোল্টেজ বলে।

- (ii)  $Z_g$  নির্ণয় করার জন্য ভোল্টেজ উৎসকে নিষ্ক্রিয় করতে হবে, অর্থাৎ মনে করতে হবে বর্তনীতে কোনো ভোল্টেজ উৎস নেই, কিন্তু তার অভ্যন্তরীণ প্রতিরোধ ওই স্থানে আছে [চিত্র-5.11], সেক্ষেত্রে  $Z_g$  হবে পশ্চাৎদিকে A থেকে B বিন্দু পর্যন্ত প্রতিরোধ।


$$\therefore Z_g = Z_2 + \frac{Z_3(Z_1 + Z_i)}{Z_3 + Z_1 + Z_i} \quad \dots (9)$$

$Z_g$ -কে বলা হয় থেভেনিন প্রতিরোধ।


- (iii) এখন সমগ্র নেটওয়ার্ক বর্তনীকে পশ্চাৎদিকে A থেকে B বিন্দু পর্যন্ত দেখলে, ওই বর্তনীকে একটি ভোল্টেজ উৎস  $V_g$  এবং অভ্যন্তরীণ প্রতিরোধ  $Z_g$  দ্বারা গঠিত সরল বর্তনীর দ্বারা প্রতিস্থাপন করতে পারি। এবার A ও B বিন্দুর মধ্যে লোড প্রতিরোধ  $Z_L$  যোগ করা হল [চিত্র-5.12]।




চিত্র-5.9



চিত্র-5.10



চিত্র-5.11



চিত্র-5.12



$$Z_L\text{-এর মধ্য দিয়ে তড়িৎ প্রবাহমাত্রা } I_L = \frac{V_g}{Z_g + Z_L} \quad \dots (10)$$

$V_g$  ও  $Z_g$ -এর মান (10) নং সমীকরণে বসিয়ে  $I_L$  নির্ণয় করা হয়।

■ **থেভেনিন উপপাদ্যের সাহায্যে গাণিতিক সমস্যা সমাধানের পদ্ধতি :**

- নেটওয়ার্ক বর্তনী থেকে ভার খুলে দিতে হবে।
- সব ভোল্টেজ উৎসকে নিষ্ক্রিয় করে ওই স্থানে শুধুমাত্র তাদের অভ্যন্তরীণ প্রতিরোধ আছে বলে ধরতে হবে।
- ভারের প্রান্তদ্বয়ের মধ্যে মুক্ত বর্তনী ভোল্টেজ  $V_g$  নির্ণয় করতে হবে।
- বর্তনীর মুক্ত প্রান্ত দুটির দিক থেকে পশ্চাত্‌দিকে দেখে বর্তনীর তুল্য প্রতিরোধ  $Z_g$  নির্ণয় করতে হবে।
- $V_g$ ,  $Z_g$  এবং লোড প্রতিরোধ  $Z_L$ -কে শ্রেণি সমবায়ে যুক্ত করে তুল্য সরল বর্তনী গঠন করতে হবে এবং লোড প্রবাহ  $I_L$  নির্ণয় করতে হবে।

▶ **নর্টন উপপাদ্য (Norton's Theorem) :**

■ **বিবৃতি (Statement) :** বহু সংখ্যক শক্তি উৎস (energy sources) ও প্রতিরোধ বিশিষ্ট (impedances) কোনো রৈখিক নেটওয়ার্ক বর্তনীর দুটি বিন্দুর মধ্যে যুক্ত একটি নির্দিষ্ট ভার প্রতিরোধের মধ্যে দিয়ে যে প্রবাহ যায় তা একটি প্রতিরোধ  $Z_g$ -এর সমান্তরালে অবস্থিত একটি স্থির তড়িৎ প্রবাহ উৎস (যার প্রবাহমাত্রা  $I_g$ ) থেকে পাওয়া তড়িৎপ্রবাহের সমান।  
এখানে  $I_g$  = ভারের প্রান্তদ্বয়ের মধ্যে শর্ট-সার্কিট করা অবস্থায় প্রবাহমাত্রা  
এবং  $Z_g$  = ভারের প্রান্তদ্বয়ের সাপেক্ষে বর্তনীর সমতুল্য প্রতিরোধ যখন সব শক্তি উৎসকে তাদের অভ্যন্তরীণ প্রতিরোধ দ্বারা প্রতিস্থাপিত করা হয়।

■ **ব্যাখ্যা (Explanation) :** মনে করি 5.13নং চিত্রে প্রদর্শিত একটি নেটওয়ার্কের  $Z_L$  ভার প্রতিরোধের মধ্য দিয়ে প্রবাহমাত্রা নির্ণয় করতে হবে। এখানে

$V_B$  = উৎসের ভোল্টেজ

$Z_i$  = উৎসের অভ্যন্তরীণ প্রতিরোধ

প্রথমে নর্টন উপপাদ্যের প্রয়োগে এই নেটওয়ার্কের প্রতিস্থাপনযোগ্য সরল বর্তনী গঠন করতে হবে।

- প্রথমে A ও B বিন্দুকে শর্ট (short) করে দিতে হবে। এর ফলে বর্তনীটি চিত্র-5.14-এর মতো হবে।


সেক্ষেত্রে উৎস প্রদত্ত প্রবাহ

$$I = \frac{V_B}{(Z_i + Z_1) + \frac{Z_2 Z_3}{Z_2 + Z_3}} \quad [Z_2 \text{ ও } Z_3 \text{ সমান্তরাল সমবায়ে যুক্ত আছে}]$$


এই প্রবাহ C বিন্দুতে পৌঁছে  $Z_2$  ও  $Z_3$  র মধ্যে ভাগ হবে। সমান্তরাল সমবায়ের নিয়ম অনুযায়ী শর্ট-সার্কিট পথে প্রবাহ

$$\begin{aligned} I_g &= \frac{Z_3}{Z_2 + Z_3} \cdot I = \frac{Z_3}{Z_2 + Z_3} \times \frac{V_B}{(Z_i + Z_1) + \frac{Z_2 Z_3}{Z_2 + Z_3}} \\ &= \frac{Z_3}{Z_2 + Z_3} \times \frac{V_B (Z_2 + Z_3)}{(Z_i + Z_1)(Z_2 + Z_3) + Z_2 Z_3} = \frac{V_B Z_3}{Z_2 (Z_i + Z_1 + Z_3) + Z_3 (Z_i + Z_1)} \quad \dots (11) \end{aligned}$$

স্থির প্রবাহ উৎসকে নর্টন উৎস বলে।  $I_g$  কে বলে নর্টন উৎস প্রদত্ত স্থির প্রবাহ।




চিত্র-5.13



চিত্র-5.14


- (ii) এখন উৎসের বদলে তার অভ্যন্তরীণ প্রতিরোধ ওই স্থানে আছে ধরে নিতে হবে। A থেকে B প্রাপ্ত পর্যন্ত পশ্চাৎদিকে তুল্য প্রতিরোধ হবে নর্টন প্রতিরোধ  $Z_g$  [চিত্র-5.15]

$$\therefore Z_g = Z_2 + \frac{Z_3(Z_1 + Z_i)}{Z_3 + Z_1 + Z_i} \quad \dots (12)$$




চিত্র-5.15

- (iii) এখন সমগ্র নেটওয়ার্ক বর্তনীকে পশ্চাৎদিকে A থেকে B বিন্দু পর্যন্ত দেখলে, ওই বর্তনীকে একটি প্রবাহ উৎস  $I_g$ , যার সমান্তরালে প্রতিরোধ  $Z_g$  যুক্ত আছে এমন একটি সরল বর্তনী দ্বারা প্রতিস্থাপন করা যায় [চিত্র-5.16]।



চিত্র-5.16



চিত্র-5.17

- (iv) এবার লোড প্রতিরোধ  $Z_L$ -কে A ও B বিন্দুদ্বয়ের মধ্যে যুক্ত করতে হবে [চিত্র-5.17]।

সুতরাং,  $Z_L$ -এর মধ্য দিয়ে প্রবাহমাত্রা

$$I_L = \frac{Z_g}{Z_g + Z_L} \cdot I_g \quad \dots (13)$$

$Z_g$  ও  $I_g$ -এর মান (13) নং সমীকরণে বসিয়ে  $I_L$  নির্ণয় করা হয়।

#### ■ নর্টন উপপাদ্যের সাহায্যে গাণিতিক সমস্যা সমাধানের পদ্ধতি :

- নেটওয়ার্ক বর্তনী থেকে ভার খুলে দিয়ে প্রাপ্তদ্বয় শর্ট-সার্কিট করতে হবে।
- উৎসের স্থানে তাদের অভ্যন্তরীণ প্রতিরোধ আছে বলে ধরতে হবে।
- শর্ট-সার্কিট সংযোগের মধ্যে দিয়ে তড়িৎ প্রবাহ  $I_g$  নির্ণয় করতে হবে। এটি তুল্য স্থির তড়িৎ প্রবাহমাত্রা।
- ভারের প্রাপ্তদ্বয়ের দিক থেকে পশ্চাৎদিকে দেখে বর্তনীর তুল্য প্রতিরোধ  $Z_g$  নির্ণয় করতে হবে।
- $I_g$  এবং  $V_g$ -কে সমান্তরাল সমবায়ে যুক্ত করে তার সঙ্গে লোড প্রতিরোধ  $Z_L$  যুক্ত করতে হবে। এই সরল তুল্য বর্তনী গঠন করে লোড প্রবাহ  $I_L$  নির্ণয় করতে হবে।

## 5.5

### সর্বোচ্চ ক্ষমতা সরবরাহের উপপাদ্য (Maximum Power Transfer Theorem)

- বিবৃতি (Statement) : একটি রোধক বর্তনীতে ভার রোধ উৎসের অভ্যন্তরীণ রোধের সমান হলে উৎস থেকে ভারে সর্বাধিক ক্ষমতা সরবরাহিত হয়।


- ব্যাখ্যা (Explanation) : ধরি, E তড়িৎচালক বল এবং r অভ্যন্তরীণ রোধবিশিষ্ট একটি তড়িৎ উৎস বহির্বর্তনীতে ভাররোধ R -এর মধ্য দিয়ে তড়িৎ প্রবাহ চালনা করছে [চিত্র-5.18]

$$\therefore \text{বর্তনীর প্রবাহমাত্রা } I = \frac{E}{R+r}$$

$$\text{ভার রোধে প্রাপ্ত ক্ষমতা } P = I^2 R$$

$$\text{বা, } P = \frac{E^2 R}{(R+r)^2}$$

... (14)



চিত্র-5.18



বর্ধিতনীতে সর্বোচ্চ ক্ষমতা পাওয়ার শর্ত হল

$$\frac{dP}{dR} = 0 \quad \text{বা,} \quad \frac{d}{dR} \left[ \frac{E^2 R}{(R+r)^2} \right] = 0$$

$$\text{বা, } E^2 \left[ \frac{1}{(R+r)^2} - \frac{2R}{(R+r)^3} \right] = 0 \quad \text{বা, } \frac{1}{(R+r)^2} = \frac{2R}{(R+r)^3} \quad \text{বা, } R+r=2R$$


$$\text{বা, } \boxed{R=r}$$

... (15)

সমীকরণ (14) থেকে সর্বোচ্চ আউটপুট ক্ষমতার মান

$$P_{\max} = \frac{E^2 R}{(R+R)^2} = \frac{E^2}{4R} = \frac{E^2}{4r}$$

... (16)



চিত্র-5.19

ভার রোধ  $R$ -এর সাথে আউটপুট ক্ষমতা  $P$ -এর পরিবর্তনের লেখচিত্র চিত্র-5.19-এ দেখানো হয়েছে।

### ■ তড়িৎ উৎসের দক্ষতা (Efficiency of the source) :

ইনপুট ক্ষমতা  $P_i$  = উৎস কর্তৃক সরবরাহিত মোট ক্ষমতা


$$= I^2 (R+r) = \frac{E^2 (R+r)}{(R+r)^2} = \frac{E^2}{R+r}$$

$$\text{তড়িৎ উৎসের দক্ষতা } \eta = \frac{\text{আউটপুট ক্ষমতা}}{\text{ইনপুট ক্ষমতা}} = \frac{P}{P_i} = \frac{E^2 R / (R+r)^2}{E^2 / (R+r)}$$

$$= \frac{R}{R+r}$$

... (17)

(17)নং সমীকরণ অনুযায়ী ভাররোধের মান উৎসের রোধের তুলনায় যত বেশি হবে উৎসের দক্ষতা তত বেশি হবে। চিত্র-5.20-তে  $R$ -র সাথে  $\eta$ -র পরিবর্তন দেখানো হয়েছে। যখন উৎস ভারে সর্বাধিক ক্ষমতা সরবরাহ করে অর্থাৎ যখন  $R=r$  হয় তখন উৎসের দক্ষতা হয়।



চিত্র-5.20

$$\eta = \frac{1}{1+1} = \frac{1}{2} \quad \text{অর্থাৎ } \eta = 50\%$$

## 5.6

### অ্যান্ডারসন ব্রিজ (Anderson Bridge)

এটি একটি এ. সি. ব্রিজ। পরীক্ষাগারে স্বাবেশাঙ্ক নির্ণয়ের জন্য এই ব্রিজটি ব্যবহৃত হয়। এই ব্রিজের বর্তনী চিত্র-5.21-তে দেখানো হয়েছে।

### ■ কার্যপ্রণালী (Working Principle) :

ধরি,  $L$  = কুণ্ডলীর স্বাবেশাঙ্ক

$R_L$  = কুণ্ডলীর রোধ

$C$  = ধারক।

ব্রিজের বিভিন্ন বাহুতে তড়িৎপ্রবাহের অভিমুখ চিত্রে দেখানো হয়েছে।


ব্রিজটির প্রতিমিত অবস্থায়  $D$  ও  $E$  বিন্দুর বিভব সমান হয়, ফলে ডিটেক্টর

( $d$ )-এর মধ্য দিয়ে প্রবাহ শূন্য হয়।

ABEA লুপে KVL প্রয়োগ করে পাই,

$$R_1 I_1 - rI - \frac{I}{j\omega C} = 0$$

... (18)



চিত্র-5.21

AEDA লুপে KVL প্রয়োগ করে পাই,

$$\frac{I}{j\omega C} - R_3 I_3 = 0 \quad \dots (19)$$

EBCDE লুপে KVL প্রয়োগ করে পাই

$$rI + R_2(I_1 + I) - (R_4 + R_L + j\omega L) I_3 = 0 \quad \dots (20)$$

সমীকরণ (18) এবং (19) থেকে  $I_1$  ও  $I_3$ -র মান সমীকরণ (20)-তে বসিয়ে পাই।

$$rI + R_2 \left( \frac{rI}{R_1} + \frac{I}{j\omega CR_1} + I \right) - (R_4 + R_L + j\omega L) \frac{I}{j\omega CR_3} = 0$$

$$\text{বা, } r + R_2 + R_2 \left( \frac{r + \frac{1}{j\omega c}}{R_1} \right) - (R_4 + R_L + j\omega L) \frac{1}{j\omega CR_3} = 0 \quad [ \because I \neq 0 ]$$

উভয়পক্ষের বাস্তব ও কাল্পনিক পদগুলি সমান করে পাই

$$r + R_2 + \frac{rR_2}{R_1} - \frac{L}{CR_3} = 0$$

$$\text{বা, } L = CR_3 \left[ r \left( 1 + \frac{R_2}{R_1} \right) + R_2 \right] \quad \dots (21)$$

$$\text{এবং } \frac{R_2}{\omega CR_1} - \frac{(R_4 + R_L)}{\omega CR_3} = 0$$

$$\text{বা, } \frac{R_2}{R_1} = \frac{R_4 + R_L}{R_3} \quad \dots (22)$$

স্পষ্টতই এই ব্রিজে দুটি প্রতিমান শর্ত পাওয়া যায়। শর্ত দুটি a.c. উৎসের কম্পাঙ্কের ওপর নির্ভর করে না।

ডি. সি উৎস, ডি. সি. ডিটেকটর এবং পরিবর্তনশীল  $R_4$  রোধকের দ্বারা d.c. প্রতিমান শর্ত নির্ণয় করা হয়। একে d.c. প্রতিমান (dc balance) বলে। d.c. প্রতিমানের শর্ত সমীকরণ (22) দ্বারা নির্দেশিত হয়।

এ. সি. উৎস, এ. সি. ডিটেকটর এবং পরিবর্তনশীল  $r$  রোধকের দ্বারা a.c. প্রতিমান শর্ত নির্ণয় করা হয়। একে a.c. প্রতিমান (ac balance) বলে। a.c. প্রতিমানের শর্ত সমীকরণ (21) দ্বারা নির্দেশিত হয়।